



UNIVERSITÄTS-
BIBLIOTHEK
PADERBORN

Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

§. II. Solvuntur objectiones,

[urn:nbn:de:hbz:466:1-77232](#)

ARTICVLVS II.

*An in Visione Beata detur, vel possit dari
verbum creatum?*

36. **I**N hujus difficultatis resolutione tres reperio Authorum sententias. Prima assentit de facto dati in visione beatifica verbum creatum, productum à Beato: non tamen negat posse Deum gerere vices verbi, & uniri cum intellectu beati per modum termini ultimi intellectonis. Pro hac sententia citantur Capreolus, Ferratiensis, Sylvester, Torres, & alij, quos refert & sequitur Ildephonse Michael Zamorenensis, tomo 1. in 1. partem quæst. 12. art. 2. dubio 3. Secunda docet in visione Beata nec dari de facto verbum creatum, nec dari posse; sed Deum gerere vices verbi, & uniri cum intellectu beati. Ita Salmantenses, Ioannes à S. Thoma, Bannez, Gonzales, & alij. Tertia sententia media est Suarisi, & aliorum afferentium nec divinitus posse fieri quod Deus supplet vices verbi. Hanc fusè impugnat Gonzales disp. 25. scđt. 4.

§. I.

*Verior & probabilior sententia duplice
concluſione stabilitur.*

37. **D**ico primò: Beati per visionem beatificam nullum formant verbum, seu speciem expressam, Deum sicuti est in se repræsentantem. Ita colligitur ex D. Thoma h̄c art. 2. & alii locis supra citatis, ubi negat omnem similitudinem, seu repræsentationem divinae essentiae creatam, tenentem se ex parte objecti, & gerentem vices illius, solumque admittit similitudinem ex parte potentie, quam vocat lumen gloriae.

Eadem veritas insinuari videtur à Prophetā P̄lāmō 74. ubi enim communis versio legit, *Tē decet hymnus Deus in Sion*, Caldaica habet, *Tibi silentium Deus in Sion*; quia licet beati, in cœlesti illa patria Deum continuò contemplentur, & laudent, in visione tamen beatifica nullum producent verbum, seu speciem expressam, sed ipsa essentia divina per seipsum immediate gerit vices verbi, & speciei expressæ. Hoc autem silentium, seu carentia verbi creati in beatis, oriatur præcipue ex ejus inutilitate. Verbum enim propter hæc duo præcipue ponitur in intellectu creato, scilicet ut objectum reddat intelligibile in actu secundo, & ut sistat illud intra intellectum, & reddat intimè præfens per modum termini intrinseci ipsius intellectonis: At hoc habet divina essentia ex se, & independenter ab omni forma creata, est enim sua intelligibilitas & actus purus, tam in ordine intelligibili, quam entitativo; est etiam intimè præfens, & unita intellectui beatorum, non solum per modum principij, sed etiam per modum termini actualis intellectonis: Ergo ex se potest subire rationem verbi, seu speciei expressæ.

38. Confirmatur, & magis explicatur hæc ratio. Verbum ponitur, ut terminet actualē intellectu rationem: Sed essentia divina ratione sui, est omnino proportionata intellectui beati, ut terminet actualē ejus cognitionem: quia in ratione objecti, tam motivi, quam terminativi, habet omnem rationem formalem intelligibilitatis. Potentia autem beati, supponitur sufficiēter proportionata per lumen gloriae, eam elevans, &

A confortans: Ergo superflui verbum creatum in visione beatifica, subindeque non datur in illa.

Confirmatur amplius: Videmus animam nostram, quia est in infimo gradu immaterialitatis rerum spiritualium, pro hoc statu non habere rationem speciei impressæ, nec expressæ, in cognitione sui; Angelum verò, quia illam excedit in immaterialitate, habere in sui cognitione rationem speciei impressæ, non tamen expressæ: Ergo cum Deus sit in supremo gradu immaterialitatis, & actus purus in ordine intelligibili, poterit gerere vices utriusque speciei, & esse sua intelligibilitas, non solum in actu primo, & per modum objecti motivi, sed etiam in actu secundo, & per modum objecti terminativi. Quapropter verbum in divinis, non productur ex indigentia objecti, sed ex fecunditate productus; quia intellectus Patris est prolificus, & infinite fecundus.

Dico secundo: Repugnat dari verbum creatum in visione beata.

Fundamentum hujus conclusionis non est aliud, quam illud quod articulo precedenti positum est, pro specie impressa neganda; siquidem illud ipsum quod repræsentat species impressa in actu primo, & ut objectum intelligibile, repræsentat expressa in actu secundo, ut objectum intellectum, & per modum termini in quem intellectio fertur; unde species expressa est perfectior, & actualiter similitudo objecti, quam impressa; & ita si impliceret dari speciem impressam, essentia divina ut est in se representativa, eò quod nulla forma creata possit esse ejusdem immaterialitatis cum illa, nec ejus similitudo formalis, ut articulo precedenti declaravimus: à fortiori repugnat dari speciem expressam, quidditatib⁹ Deum repræsentantem.

Praterea, Deus, cūm sit actus purus in ordine intelligibili, est sua intelligibilitas, non solum in actu primo, & per modum objecti motivi, sed etiam in actu secundo, & per modum objecti terminativi: Ergo sicut essentia divina, non potest fieri proximè intelligibilis ab intellectu creato, per aliquam speciem impressam creatum; ita nec actu intellecta, per verbum a beatis expressum, & ab illis productum.

Confirmatur: Deus ex se, & ex sua essentia, non minus est intelligibilis in actu, quam intelligentis, nec minus est actus purus in ratione intelligibili, quam in ratione intelligentis: Ergo sicut implicat, illum constitui in ratione intelligentis in actu, per formam intrinsecam, quale est intelligere creatum; ita repugnat illum constitui in ratione intelligibilis, vel intellecti in actu, per speciem expressam creatum.

Addo quod, species illa ab intellectu beatorum expressa, est in infinita repræsentando, ut pote essentiam divinam, ejusque attributa, & creaturas possibiles repræsentans; ut supra dicemus de specie impressa creata, & consequenter esset infinita perfectionis & immaterialitatis; quod omni forma creatæ & creabili repugnat, ut ibidem ostendimus.

§. II.

Solvuntur objectiones.

Objectiones primò: Verbum est similitudo objecti ab intellectu producta, & expressa: Sed in visione beata datur hæc similitudo: Ergo & verbum, seu species expressa. Major conatur

ex Philosophia: Minor verò probatur ex Scriptura, & SS. Patribus. Dicitur enim 1. Ioan. 3. *Cum apparuerit similes ei erimus, quoniam videmus eum sicuti es.* Item Augustinus 9. de Trinit. dicit, *Cum Deum novimus, sit aliqua similitudo Dei in nobis.* Et libro 14. cap. 17. loquens de visione beata, ait: *In hac imagine, tunc perfecta erit similitudo, quando Dei perfecta erit visio.* Item libro 15. cap. 16. *Quando, inquit, videbimus eum sicuti es, tunc verbum nostrum non erit falsum.* Ergo sentit Augustinus, produci verbum in visione beata.

Idem colligitur ex D. Thoma infra quæst. 27. art. 1. ubi dicit: *Quicumque intelligit, ex hoc ipso quod intelligit, procedit aliquid intra ipsum, quod est conceptio rei intellectæ.* Ubi S. Doctor loquitur universaliter de omni intellecione, etiam beatifica; alias non rectè inde colligeret contra Arrianos & Sabellianos, dari Verbum in Deo: quod tamen ibidem probare intendit; diceret enim Arrianus, vel Sabellianus, quod *in nobis*, solum quando imperfècte, & in via cognoscimus, producitur verbum, non verò in cognitione perfecissima, qualis est visio beata: in Deo qui est infinita perfectionis in intelligendo, nulla debet poni processio verbi ad intra. Unde idem D. Thomas de verit. quæst. 4. art. 2. dicit, *Verbum est aliquid realiter progredivs ab altero.* Et addit, *Quod universaliter verum est, de omni quod à nobis intelligitur, sive per essentiam videatur, sive per similitudinem.* Ergo ex D. Thoma, etiam in visione beata, in qua Deus videtur per essentiam, formatur verbum.

Respondeo negando Majorem, ad cuius primam probationem ex Scriptura desumptam, dicendum cum D. Thoma hic artic. 2. ad 1. *quod autoritas illa loquitur de similitudine que est per participationem luminis glorie*: per illud enim intellectus beati quodammodo assimilatur Deo, & sit veluti deiformis, quatenus participat divinam intellectualitatem, & habet essentiam divinam pro objecto aliquo modo sibi conaturali, sicut ipse Deus. Vel secundò dici potest cum codem S. Doctore 3. contra Gent. cap. 51. quod per visionem beatam maximè Deo assimilamur, quatenus eadem felicitate fruimur, quā Deus felix est, videndo eum immediate per suam essentiam gerentem vices speciei, sicut ipse Deus per suam essentiam, seipsum intelligenti.

Ad primum locum Augustini responderet etiam D. Thomas hic art. 2. ad 2. *quod Augustinus ibi loquitur de cognitione que habetur in via.* In secundo verò non loquitur de imagine, quā sit verbum formatum à nobis per intellecione, sed de imagine naturali, nempe anima nostra, quae dicitur facta ad imaginem Dei, quam dicit perficiendam per visionem beatificam.

Alius verò locus in quo dicit, *quod tunc verbum nostrum non erit falsum*, non est intelligentius de verbo creato, & à nobis formato; sed de verbo increato, seu de essentia divina gerente vices verbi creati; illa enim tunc dicitur verbum nostrum, quia intellectui nostro erit intimè vinita, per modum verbi, & objecti complentis, & actu terminantis ejus cognitionem.

Ad D. Thomam, prætermissa eorum solutio-
ne, qui existimant S. Doctorem ibi solum dare
quandam congruentiam, desumptam ex his quae
nobis communiter accident, ad probandum

A dari in Deo processionem Verbi: responde-
tur, quod hæc propositio, *Quicunque intelligit, ex hoc quod intelligit, producit verbum,* intelligenda est secundum distributionem ac-
commodan, & pro generibus singulorum, non
pro singulis generum. Quasi dicat, quod in quo-
cunque genere intelligentium, sive in quacun-
que natura creata intelligent, sive humana, si-
ve angelica, datur processio verbi: esto non de-
tus in omni individuo, sive in quacunque intel-
leccione. Ex quo rectè infert, quod cùm Deus
sit etiam naturæ intelligentis, & in supremo in-
tellectualitatis gradu, debet etiam intra ipsum
dari processio Verbi.

B Ad alium locum ex quæst. 4. de verit. dicen-
dum, in omni quod à nobis intelligitur, sive per similitudinem, sive per essentiam, formari verbum, quando essentia non est actus purus, nec suum esse in genere intelligibili: ut patet in anima separata, & in Angelis, qui licet cog-
noscant se per suam propriam substantiam ge-
rentem vices speciei impressæ, tamen formant
verbum de se; unde cùm Deus sit actus purus,
& suum esse, tam in genere intelligibili, quam
entitativi, nec format verbum in cognitione
essentiali sui, nec à Beatis videtur mediante ver-
bo ab illis expresso & producto, sed immediatè
per suam essentiam, utriusque speciei, tam im-
pressæ, quam expressæ, vices gerentem, ut ex-
ponemus articulo sequenti.

D Objicies secundò cum Ildephonso Michaële supra citato: D. Gregorius libro 30. Moral. cap. 5. circa illud Iob: *Et concertum coli quod dormire faciat?* hæc scribit: *Potquam per mortem in pul-
vrem caro resolutur, & per resurrectionem pul-
vis animatur; tunc de Deo audire verba non quæ-
rimus, quia unum ipsum quod implet omnia jam
per speciem Dei verbum videmus; quod tantò
altius sonat, quanto & mentes nostræ in intima
illustratione penetrat. Sublatis namque Orientib[us], & Occidentib[us] verbis, quas quidem
sonus eterna prædicationis, sit ipsa imago inter-
na visionis.* Quibus ultimis verbis asserit, vi-
sionem beatificam esse imaginem, subindeque
speciem expressam creatam Deum repræsentan-
tem.

E D. Thomas supra citato: *Verum huic objectioni solutio patet ex supradictis; nam codem sensu visio beatifica appellatur à D. Gregorio Dei imago, quo à D. Ioanne supra citato ejus similitudo dicitur: quia nimis per illam intellectus noster perfectissime Deo assimilatur, quatenus per illam essentia di-
vina in ratione speciei expresse ipsi intimè con-
jungitur, subindeque eadem felicitate quā Deus perfruitur. Præterquam quod per ipsam visionem beatificam, quæ est ultima gratia sanctificans perfectio & consummatio, imago Dei, quæ in nobis inchoatur per gratiam, ultimo con-
summatur & perficitur. Unde S. Thomas supra relatus at quod per hanc visionem maximè Deo assimilatur.*

F Objicies tertio: *Visio beata est actio:* Sed non datur actio sine termino à se distinto & producto, cùm actio sit fieri ipsius termini, seu via & tendentia ad illum: Ergo in visione beata debet dari aliquis terminus productus, qui non potest esse aliud, quam verbum, seu species ex-
pressæ.

G Respondent aliqui, per visionem beatam pro-
duci modum quendam unionis, quod essentia di-
vina unitur in actu secundo cum intellectu beato:
sicut

DE SPECIE VISIONIS BEATÆ.

137

sicut in generatione humana producitur modus unionis, quō anima rationalis unitur corpori, & sicut in unione hypostatica datur aliquis modus unionis inter Verbum & humanitatem. Sed hæc responso displicet, tum quia valde incertum est, an inter materiam & formam, Verbum & humanitatem, detur aliquis modus unionis; tum etiam quia realis unio essentia divina cum intellectu creato, à nulla creature, sed à solo Deo potest fieri, cùm extremum illud quod est essentia divina, in infinitum excedat omnem actionem creature, ut ex vi illius possit reddi unita ipsi: ut patet in unione humanitatis ad Verbum, & intellectus ad essentiam divinam in ratione speciei impressæ.

49. Melius ergo responderetur, distinguendo Majorem. Visio beata est actio transiens, & de prædicamento actionis, nego. Immanens, & de prædicamento qualitatis, concedo. Similiter distinguo Minorem: Non datur actio sine termino: actio transiens, & de prædicamento actionis, concedo. Actio immanens, & de prædicamento qualitatis, nego.

50. Explicatur: Actus immanentes, ut docent Philosophi, licet virtualiter & eminenter habeant rationem actionis, quatenus sunt actus secundi potentiae operativa, formaliter tamen non sunt actiones, sed qualitates; nec consistunt in via & tendentia ad terminum, sicut actiones transientes, sed sunt actus perfecti & completi, ac proinde non debent necessariò producere aliquem terminum. Ut enim docet D. Thomas 1. cont. Gent. cap. 100. Operatio immanens ab actione transiente distinguitur, quod per illam non fiat illud præter ipsam operationem (intellige per se & essentialiter) sicut constat in videre vel audire; & ita comparatur ad operantem, sicut finis, non sicut via ad aliquid operatum & factum. Unde juxta Doctrinam D. Thomæ, intellectio non petit per se & essentialiter terminum productum, ad quem ordinetur tanquam ejus causalitas, & via; sed solum petit terminum productum, ut virtualiter uniat objectum potentiae intelligenti, & illud ponat intra intellectum, per modum termini intrinseci ipsius intellectonis: quare si objectum de se habeat sufficientem actualitatem ad terminandam intellectuonem, & sit secundum se intime præsens, & unitum ipsi potentiae; ut contingit in essentia divina respectu intellectus beatitudo, sicut anteà exposuimus, nullum per illam verbum producitur, saltem ex indigentia (ut constat in intellectu essentiali, quā Filius & Spiritus Sanctus intelligunt) licet possit produci ex fecunditate, ut fides docet de intellectione notio nali Patris.

51. Dices: Si intellectio non sit essentialiter actio productua verbi, sed qualitas producta, sive in facto esse, necessariò debet supponere aliquam actionem, & aliquid fieri, per quod producatur: Sed hoc non potest dici, alia daretur actio ad actionem, quod est absurdum: Ergo &c.

52. Respondeo negando sequelam, quamvis enim intellectio, & alia actiones immanentes, sint qualitates, non vero actiones prædicamentales; quia tamen sunt actus secundi, & virtualiter seu eminenter habent rationem actionis, non indigent aliâ actione quâ producantur, sed emanant ab operante, sine alia causalitate distinctâ à se. Sicut ipsa actio transiens, quia est formaliter actus secundus agentis, non per aliam actionem, seu causalitatem; sed per seipsum immediatè ab

Tom. I.

A illo dimanat. De quo videri potest Ioannes à S. Thoma in libris de anima quæst. 11. art. 1. ubi hanc difficultatem luculenter exponit.

Objicies quartò: Si nullum daretur verbum creatum in visione beata, maximè quia essentia divina, de se non solum est intelligibilis, sed etiam intellecta; utpote actus purus in ordine intelligibili, & intimè præsens intellectu beatorum, ac proinde per nihil creatum potest fieri actu intellectu, nec intellectui magis præsens: Sed hæc ratio supponit falsum, nempe quod de ratione essentia divina sit esse actu intellectam; & quavis hoc esset verum, illa tamen non probaret intentum: Ergo ruit præcipuum fundamentum nostræ sententie. Major patet ex suprà dictis, Minor vero probatur quantum ad singulas partes. Et in primis quod hæc ratio falsum supponat, videtur manifestum, quia essentia divina, ab æterno non est actu cognita, saltem ab intellectu creato: Ergo non est de ratione illius esse intellectam in actu, sed solum intelligibilem ab intellectu creato. Ex quo probata manet secunda pars: quia ad rationem verbi, seu speciei expressæ, requiritur quod objectum sit actu intellectum ab ipso metu intellectu cuius est verbum: Ergo si de ratione essentia divina, non sit esse actu intellectam ab intellectu creato, illa non potest supplere vices verbi in intellectu creato, nec consequenter in visione beatifica. Quod etiam ex intima præsentia, & unione divinitate essentia cum intellectu creato, non possit deduci impossibilitas verbi creati in visione beatifica, sic ostenditur. Angeli substantia est intimè præsens ejus intellectui, & tamen Angelus format verbum in cognitione sui, ut docet S. Thomas 4. cont. Gent. cap. 11. Ergo similiter, licet essentia Dei sit intimè præsens intellectui beatorum, hoc tamen non obstat, quominus de ea possit formari verbum à beatis.

Respondeo concéssâ Majori, negando Minorem, quantum ad omnes partes; ad probationem primæ dicendum, quod sicut objectum potest dici intelligibile duobus modis; vel per denominationem extrinsecam, ex vi activa intellectus potentiæ illud cognoscere; vel per denominationem, & vim intrinsecam, quâ tâta habet immaterialitatem, & actualitatem, ut se ipso possit intelligi, & supplere rationem speciei impressæ: ita etiam potest dici actu intellectum duobus modis: nimirum vel per denominationem extrinsecam, petitam actu potentiæ illud cognoscens; vel per denominationem intrinsecam, ratione immaterialitatis, & actualitatis, sufficientis immediatè per seipsum terminare actualitatem intellectum. Licet ergo, esse actu intellectu primo modo, non sit de ratione, & conceptu quidditativo essentia divina, sed aliqua denominatio extrinseca illi adveniens in tempore, ex actu potentiæ intellectu creatuæ, illum cognoscens: eis tamen intellectum in actu, secundo modo, est de essentia Dei; eo quod essentia divina sit infinitè immaterialis, & actus purus, ac ultima actualitas in ordine intelligibili, & repräsentabili. Unde sicut implicat, quod forma quæ ex se est ultimus actus aliquis subjecti, vel potentiae, uniatur illi mediante aliquâ alia formâ: v. g. quod actio producatur per aliam actionem, quod existentia existat per aliam existentiam; ita repugnat essentiam divinam fieri actu intelligibilem, vel intellectum, per aliquam formam, vel speciem à se distinctam. Ex quo patet responsio ad secundam probationem, ut enim divina essentia supplet vices verbi creati

54.

S

in visione beatifica, sufficit quod ex se, & ex sua natura, sit non solum intelligibilis, sed etiam intellectu hoc secundo modo; id est ex se habeat sufficientem actualitatem ad terminandam intellectuam creatam, & visionem beatificam, posito quod illa detur, & quod intellectus creatus per lumen gloriae ad eam elevetur. Sicut ut persona divina possit ab aeterno supplere vices subsistentiae creatae, solum requiri quod habeat infinitam actualitatem in terminando, ratione cuius possit terminare quacumque naturam creatam, carentem propriâ subsistentiâ, supposito quod illa producatur, & ei coniungatur.

Ad tertiam probationem Minoris principalis, concessio Antecedente, neganda est Consequencia, & paritas. Ratio disparitatis est, quia licet substantia Angeli sit praesens ejus intellectui in actu primo, non solum praesentia physica, sed etiam intentionalis; non tamen est praesens intentionaliter in actu secundo: Deus autem est praesens intentionaliter & in esse intelligibili intellectui beatorum, non solum in actu primo, & per modum objecti motivi, sed etiam in actu secundo, & per modum objecti terminativi: unde licet substantia Angeli non possit gerere vices speciei expressae in cognitione sui, bene tamen essentia divina in intellectu beati.

55. Dices, Ideo Deus est praesens in actu secundo intentionaliter, & per modum objecti terminativi intellectui beatorum, quia est immaterialis: Sed Angelus etiam est immaterialis: Ergo ejus substantia est etiam praesens intentionaliter in actu secundo, proprio intellectui, & sic ratio disparitatis non tener.

Respondeo negando Majorem, nam essentia divina habet rationem objecti motivi, & terminativi in sui cognitione, & in visione beatifica, quae est aliqua divina cognitionis participatio, non praeceps ex eo quod sit immaterialis, sed ex eo quod sit actus purus, tam in ordine entitativo, quam intelligibili, sive quia est in supremo gradu immaterialitatis & actualitatis, ut antea declaravimus: unde exclusio materiae, cum inclusione potentialitatis, competens Angelo, solum infert quod possit habere rationem speciei impressae, & objecti motivi in cognitione sui; non tamen rationem speciei expressae, & termini intrinseci sua intellectuonis: ad hoc enim necessarium est, ut substantia Angeli esset suum esse, & suum intelligere; quod soli Deo competit, cum ipse solus sit actus purus, tam in ordine entitativo, quam intelligibili.

56. Objecies quintò: Amor beatificus producit terminum, qui dicitur impulsus, eti ad summum bonum clarè visum terminetur: Ergo etiam visio beatifica, quamvis terminetur ad essentiam divinam clarè cognitam, producit verbum, seu speciem expressam, illam representantem.

Respondeo concessio Antecedente, negando Consequientiam, & paritatem, propter duplum rationem discriminis. Prima est, quia impulsus qui est voluntatis terminus, non est ultima actualitas objecti amati, sed ponitur ut voluntatem complete & perfecte in objectum inclinet; & ideo quantumcumque perfectum sit objectum amatum, adhuc impulsus voluntatis admittitur: verbum autem ponitur ut ultima actualitas objecti intellecti, unde quando seipso objectum est in ultima actualitate, verbum non producitur. Secunda ratio disparitatis est, quia impulsus non

A petit esse ejusdem naturæ cum objecto dilecto; quia voluntas assimilativa non est, & ideo non repugnat impulsus productus erga summum bonum; verbum autem id postulat, & ideo in visione beatifica nullum verbum creatum dari potest.

Objecies ultimo: Quando D. Paulus vidit in raptu essentiam Dei, postea recordatus est mulorum que in illo raptu viderat: unde ipsemet dicit quod *audivit arcana verba, que non licet homini loqui*, 2. ad Corint. 12. Ergo in tali visione transire formavit aliquod verbum, divinam essentiam representans. Consequientia videntur manifesta, ea enim quorum recordamur, habent aliquam sui speciem in memoria relataam, & per cognitionem quâ primò cognita fuerunt, productam, & expressam: Ergo si D. Paulus recordabatur eorum qua viderat in raptu, tunc formavit aliquod verbum, seu aliquam speciem expressam, essentiam Dei, ejusque attributa representantem.

Respondet D. Thomas hic art. 9. ad 2. his verbis. *Ad secundum dicendum, quod aliqua potentia cognoscitiva sunt, que ex speciebus primi conceptus alias formare possunt: sicut imaginatio ex preconceptis speciebus montis & auri, format speciem montis aurei, & intellectus ex preconceptis speciebus generis & differentie formatrationem speciei; & similiter ex similitudine imaginis, formare possimus in nobis similitudinem eius cuius est imago. Et sic Paulus vel quicunque alius vident Deum, ex ipsa visione essentia divina potest formare in se similitudines rerum que in essentia divina videntur: quae remanebunt in Paulo, etiam postquam defit Dei essentiam videre. Ita tamen visio, quâ videntur res per hujusmodi species sic conceptas, est alia à visione, quâ videntur res in Deo. Quibus verbis clarè docet id quod mansit in memoria Pauli, post raptum in quo vidit divinam essentiam, non fuisse aliquam imaginem Dei in se (aliás semper vidisset Deum, & illum habuisset presentem in memoria, ratione talis speciei) sed fuisse representationem ipsius visionis, & aliquarum rerum quas in Deo vidit, quarum representationes formavit in proprio genere, & extra visionem beatificam. Sicut modo etiam beati tales representationes extra verbum formant, ut possint per locutionem spiritualem, cum aliis communicare de his quae in Deo vident, ut dicemus in materia de locutione Angelorum.*

ARTICULUS III.

An essentia divina uniatur intellectibus beatorum per modum speciei impressae, & expressae?

57. Artem negativam tenent non solum Aureolus, & Egidius à Præsentatione, qui speciem creatam in visione beatifica admittunt, sed etiam Vazquez, & Suarez, qui eam cum Thomistis negant; diverso tamen ducentur fundamento. Vazquez enim hic disp. 43. cap. 3. docet in visione beatifica nullum require concursum speciale objecti in ratione speciei, & ideo essentiam divinam ad illam solum concurrere per modum cause universalis, & eo tantum modo, quod ad alias cognitiones, & actiones creatas concurrit. Suarez vero tomo i. Summa Theol. lib. 2. cap. 12. admitit quidem, essentiam divinam